

Inersimasunik ilinniartitsinerit pillugit Namminersorlutik Oqartussat nalunaarutaat

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10, 19. maj 2010-meersumi, Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaatigut nr. 3, 4. juni 2012-meersutigut allangortinneqartumi § 4, imm. 2, § 6, imm. 1, § 7, imm. 5, § 11, imm. 1 aamma § 60 naapertorlugit aalajangersarneqarpoq:

Inersimasunik ilinniartitsineq

§ 1. Inuussutissarsiutitigut tunngaviusumik ilinniartitsinerni, qitiusumik ilinniartitaanermi ataatsimiititaliap, Ilinniartitaanermut Naalakkersuisoqarfimmit akuersissutigineqareernermini aalajangersinnaavaa, inunnut immikkut ilinniagaqarnissamik suliffeqalernissamilluunniit naatsorsutigineqartunut inersimasunik ilinniartitsinernik pilersitsisoqassasoq.

Ilinniartussanik tigusineq

§ 2. Qinnuteqartoq 30-nik ukioqalereersimassaqq attuumassuteqartumillu inuussutissarsiornermik misilittagaqassalluni amerlaqatigalugit ikinnerpaamik ukiuni pingasuni ulloq naallugu sulisarsimasutut imaluunniit allanut inuussutissarsiornermik misilittagaqassalluni amerlaqatigalugit ikinnerpaamik ukiuni sisamani ulloq naallugu sulisuuusarsimaneq. Inersimasunik ilinniartitsinermik aallartitsisinnaajumalluni qinnuteqartoq pineqartumi ingerlatseqatigiiffimmik akuerisaasumik ilinniarttuunissamut isumaqatigiissuteqarsimassaqq.

Imm. 2. Tiguneqarnissami naatsorsutigineqarpoq aamma ilinniartutut isumaqatigiissuteqarnermi, qinnuteqartoq ilinniarfiup naliliinera naapertorlugu ilinniarfimmi ilinniarnerminik ingerlatsisinnaasutut piffissami ilinniarfiusussatut aalajangiussap iluani, immaqa ilinniartitsinermiit immikkoortut ilaannik peersisoqareernerani.

Imm. 3. Qitiusumik ilinniartitaanermi ataatsimiititaliaq imaluunniit inuussutissarsiutinut ilinniarfiup siulersuisi pisuni immikkut ittuni annikinnerusunik ukioqarnissamut aamma suliffeqarsimanissamut piumasaqaammit imm. 1-imiittumit immikkut akuersissuteqarsinnaapput.

§ 3. Qinnuteqartunik tigusisarneq inuussutissarsiornermik imaluunniit inuussutissarsiutinut ilinniarfimmit ilinniarnissamik neqerooruteqartumit ingerlanneqartassaaq.

Sivisussuseq aaqqissuussaanerlu

§ 4. Qitiusumik ilinniartitaanermi ataatsimiititaliap pineqartumi ilinniakkatigut sammisaqarfiusumi imaluunniit inuussutissarsiuutinut ilinniarfiup siulersuisusa inersimasunik ilinniartitsinerup aaqqissuussaanera sivisussusialu aalajangersartarpaat, eqqarsaatigalugu ilinniartumit annikinnerpaatigut ilinniakkatigut killiffimmik inuuusuttutut lærlingip angusarisartagaatut killiffeqalerluni taamalu aamma soraarummeernissamik/svendeprøvegarnissamik angusinissamut naatsorsuutigineqartunik.

Imm. 2. Inuussutissarsiuutinik imaluunniit inuussutissarsiuutinut ilinniarfiup, ilinniartup aamma mesterip suleqatigiillutik inuttut immikkut ilinniagaqarnissamik ingerlatsinissaq aalajangersarsinnaavaat, taannalu pineqartup qitiusumik ilinniartitaanermi ataatsimiititaliaanut imaluunniit inuussutissarsiuutinut ilinniarfiup siulersuisuutinut akuersissutigisassanngorlugu saqqummiunneqassaaq.

Imm. 3. Inuttut immikkut ilinniagaqarnissamik ingerlatsinermiit naliliinermi annertunerpaamik siusinnerusukkut ilinniagaqarsimanerit suliffeqarsimanerillu eqqarsaatigineqassapput, imaasilluguli taamaallaat ilinniartitsineq suliffeqarnerlu, ilinniartup maannakkut ilinniarnerata ilaanut naapertuunnersut pillugit oqimalutarneqaannaratik, kisiannili aamma ilinniagaqarnernut assingusunut immaqa inuussutissarsiuutinut ilinniarnerut aamma suliffeqarnerut avataanniittunut, pivusumik taamaasiornikkut sanilliunneqarsinnaasutut pigineqartunut.

§ 5. Inersimasunik ilinniartitsineq nalinginnaasumik ingerlatseqatigiiffimi aallartinneqartarpooq, tamatumalu kingorna ilinniarfimmi ilinniagaqarnerup aamma praktikkerluni ilinniagaqarnerup akornanni paarlakaallugu ingerlanneqartarluni.

Ilinniartup aamma ingerlatseqatigiiffit inatsiseqarnikkut pissusaat

§ 6. Praktikkerneq ilinniarfimmiinnerlu inatsisartut inatsisaanni sulisoqarnermut akitsuummut ilaatinneqanngillat. Taamaattumik inuussutissarsiuutinut ilinniartitsinerit pikkorissarnerillu inuussutissarsiuutitigut ilinniartitaanermiittut pillugit inatsisartut inatsisaat inersimasutut ilinniartunut sunniuteqanngilaq.

Imm. 2. Inersimasunut ilinniartunut ilinniarfimmiinnerup nalaani sulitilluni iluanaarutissaraluanik annasaqaqnersiutit tunniunneqartassapput, inuussutissarsiuutinut ilinniartitsineriit pikkorissarnerut, ilinniarfiliarnermut ilinniarfimmiillu aallarnermut, angalanermut aningaasartuutit kiisalu ilinniartunut, ilinniarnerup ingerlanneqarfigisaani illoqarfimmeersuunngitsunut praktikkernerup ilinniarfimmiinnerullu nalaani najugaqarnermut malittarisassat naapertorlugin.

Imm. 3. Ilinniartut praktikkernermik nalaani ingerlatseqatigiiffimmit aningaasarsiaqassapput.

Atortuulersinnera

§ 7. Nalunaarut ulloq 1. juni 2016-imi atuutilerpoq.

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut